

Class 10 Social Science
Lesson - 10 **Bodo Medium**
भारतारि फोरजाखान्थि

राजखान्थि बिगियान

गिबि खोन्दो

बांसायख' सोंथिनि फिननाय

गेबें फिननायखौ सायख'ना दिहुन:

सों 1. 1935 मायथाइनि 'भारत सोरखार आयेन 'खौ दादोंमोन–

- (a) इंग्लेण्डनि संसद।
- (b) भारतनि संसद।
- (c) आमेरिकानि कंग्रेस।
- (d) गोजौनि मोनसेबो नडा।

फिन : (a) इंग्लेण्डनि संसद।

सों 2. भारतबर्षनि गोदान संबिजिरखौ बाहायनाय जायो–

- (a) 1950 मायथाइनि 26 नबेम्बर।

(b) 1950 मायथाइनि 26 जानुवारि।

(c) 1949 मायथाइनि 26 दिसेम्बर।

(d) 1950 मायथाइनि 26 आगष्ट।

फिन : (b) 1950 मायथाइनि 26 जानुवारि।

सों 3. 1945 मायथाइयाव इंलेण्डाव दाजानाय गोदान सोरखारनि हानजाया—

(a) कंग्रेस हानजा।

(b) कनजारभेटिभ हानजा।

(c) मावथि हानजा।

(d) रिपब्लिक हानजा।

फिन : (a) मावथि हानजा।

सों 4. हादोर सामलायनो थाखाय जोबोर गोनां जानाय मोनसे बाहागोया जाबाय—

(a) बिजिरसालि।

(b) आयेन आफाद।

(c) संबिजिर।

(d) गोजौनि मोनसेबो नडा।

फिन : (c) संबिजिर।

सों 5. संबिजिरनि 'खचरा कमिटि' नि आफादगिरिया जाबाय-

(a) जवाहरलाल नेहरु।

(b) महात्मा गान्धी।

(c) ड° राजेन्द्र प्रसाद।

(d) ड° बि.आर. आम्बेदकार।

फिन : (d) ड° बि.आर. आम्बेदकार।

सों 6. 'केबिनेट मिसना' भारताव हाबफैदोंमोन-

(a) 1945 मायथाइनि मार्स दान।

(b) 1946 मायथाइनि मार्स दान।

(c) 1947 मायथाइनि मार्स दान।

(d) 1948 मायथाइनि मार्स दान।

फिन : (b) 1946 मायथाइनि मार्स दान।

सों 7. भारतनि संबिजिर आफादनि गागि आफादगिरिया–

(a) ड° बि. आर. आम्बेदकार।

(b) ड° सदभिदानन्द सिनहा।

(c) ड° राजेन्द्र प्रसाद।

(d) ड° सर्वपल्ली राधाकृष्णन।

फिन : (c) ड° राजेन्द्र प्रसाद।

सों 8. संबिजिर आफादनि गिबि जथुमा जादोंमोन–

(a) 1946 मायथाइनि 9 दिसेम्बर।

(b) 1946 मायथाइनि 26 नबेम्बर।

(c) 1950 मायथाइनि 26 जानुवारि।

(d) 1945 मायथाइनि 26 मार्स।

फिन : (a) 1946 मायथाइनि 9 दिसेम्बर।

सों 9. भारत हादोरनि सोरखार गाहाया जाबाय–

(a) हादोरगिरि।

(b) गाहाइ मन्थि।

(c) रायजो बेंगिरि।

(d) गिबि मन्थि।

फिन : (b) गाहाइ मन्थि।

सों 10. गाहायनि सोर सासे सुबुडा खचरा कमिटिनि सोद्रोमा नडा-

(a) एम. माधव राव।

(b) के एम मुन्सि।

(c) एन ग 'पालसामी आयेंगार।

(d) महात्मा गान्धी।

फिन : (d) महात्मा गान्धी।

सों 11. 'समाजबादि' सोदोबखौ खुगाफोरनायाव सोसननायनि संबिजिर सोदांनाया जाबाय-

(a) 40 थि।

(b) 42 थि।

(c) 43 थि।

(d) 41 थि।

फिन : (b) 42 थि।

सों 12. गाहायनि बबे मोनसेया जुथुम हादोरनि आखुथाय नडा।

(a) मोननै थाखोनि सोरखार।

(b) संबिजिर सोदांनाय खान्थिया जोबोर गोरा।

(c) गोहो रानलायनाय।

(d) गांसे लिरनाय संबिजिर।

फिन : (b) संबिजिर सोदांनाय खान्थिया जोबोर गोरा।

सों 13. जुथुम हादोरनि नखर बिथाया (Homeland of Federation) जाबाय—

(a) आमेरिका।

(b) कानाडा।

(c) भारत।

(d) जार्मन।

फिन : (a) आमेरिका।

सों 14. 'सरकारिया आय 'ग' खौ दानाय जादोंमोन—

(a) 1983 मायथाइ।

(b) 1950 मायथाइ।

(c) 1947 मायथाइ।

(d) 1948 मायथाइ।

फिन : (a) 1983 मायथाइ।

सों 15. जुथुमहादोरारि राहा भारतबर्षआव बाहायनायनि गाहाइ जाहोना—

(a) पन्चायत आरो उदांथि।

(b) उदांथि आरो सोखावयि।

(c) नोगोरारिथाय आरो उदां।

(d) गोजौनि मोनसेबो नडा।

फिन : (b) उदांथि आरो सोखावयि।

सों 16. भारतबर्षनि हादोरगाहाया जाबाय—

(a) गाहाइ मन्थि।

(b) हादोरगिरि।

(c) रायजो बेंगिरि।

(d) गिबि मन्थि।

फिन : (b) हादोरगिरि।

सों 17. संसदारि खान्थिनि सोरखारनि गाहाइनि बबे मोनसेया
आखुथाइ नडा—

(a) हादोरगाहाइ आरो सोरखार गाहाइनि फाराग।

(b) मन्थि आफादा आयेन आफादनि सेराव दायगोनां।

(c) सोरखारनि गाहाइया हादोरगिरि।

(d) मन्थि आफादनि सोद्रोमाफोरा आयेन, आफादनि सोद्रोमा।

फिन : (c) सोरखारनि गाहाइया हादोरगिरि।

सों 18. गंनै सदननि अनगायिबो भारतारि संसदाव आरो मा मोनसे
अंग दं—

(a) ल 'क सभानि बुंथिगिरि।

(b) लेडाइ हादोरगिरि।

(c) गाहाइ मन्थि।

(d) हादोरगिरि।

फिन : (d) हादोरगिरि।

उनसोलोंथि

सुंथाब फिननायनि सोंलु:

सों 1. 1945 मायथाइयाव जानाय बिसायखथियाव इंलेण्डाव बबे हानजाया देरहादोंमोन?

फिन : 'लेबार पार्टि 'या (Labour Party) देरहादोंमोन।

सों 2. केबिनेट मिसना भारताव माब्ला फैदोंमोन?

फिन : केबिनेट मिसना भारताव 1946 मायथाइनि मार्स दानाव फैदोंमोन।

सों 3. संबिजिद आफादनि गिबि आफादगिरिया सोरमोन?

फिन : संबिजिद आफादनि गिबि आफादगिरिया ड° सदभिदानन्द सिनहा।

सों 4. रेबजेन कमिटिनि मासिगिरिनि मुडा मा?

फिन : रेबजेन कमिटिनि मासिगिरिनि मुडा ड° बि.आर. आम्बेदकार।

सों 5. समाजवादी आरो दोहोरोम उदां सोदोब मोननैया बेसे
संबिजिद सोदांनायबादियै सुगाफोरनायाव सोसन जादोंमोन?

फिन : 42 थि संबिजिद सोदांनाय।

सों 6. इंराजी 'Federation' सोदोबा मा लेटिन सोदोबनिफ्राय फैदों?

फिन : इंराजी 'federation' सोदोबा मा लेटिन सोदोब 'Foedus'
निफ्राय फैदों जायनि ओंथिया जाबाय गोरोबथा।

सों 7. जुथुम हादरनि न' बिथा (Homeland of Federation)
होननानै बबे हादरखौ बुंनाय जायो?

फिन : 'आमेरिका' खौ जुथुम हादरनि न-बिथा बुंनाय जायो।

सों 8. भारतबर्षयाव नैथि नोगोरारि बेबस्था दंना?

फिन : भारतबर्षयाव नैथि नोगोरारि (Dual-Citizenship) बेबस्था
गैया।

सों 9. भारतबर्षनि संसदारि फोरजाखान्थिनि हमदांथिखौ बबे हादरनि
संबिजिरनिफ्राय उनसंनाय जादों?

फिन : इंलेण्डनि संबिजिर।

सुंद' फिननायनि सोंलु

सों 1. ब्रिटिस सरखारा केबिनेट मिसनखौ भारताव माब्ला
थोनहरदोंमोन?

फिन : इंग्लेण्डाव गोदानै दाजानाय मावथि हानजानि सरकारा
भारतवर्षनि थाखाय गांसे संबिजिर रनसायनायनि थाखाय नांगौबादि
थासारि आरो लाहार फाहारनि थाखाय 1946 मायथाइनि मार्स
दानाव 'केबिनेट मिसन' खौ भारतवर्षयाव थोनहरदोंमोन। बे केबिनेट
मिसना इंग्लेण्डनि साथाम केबिनेट मन्त्रिजों दाजानायमोन।

सों 2. 1947 मायथाइनि 15 आगष्टनिफ्राय 1950 मायथाइनि 26
जानुवारिसिम भारतवर्षनि खुंथाय राहाया मा आयेनजों सोलिदोंमोन
आरो आयेनखौ सोर बानायदोंमोन?

फिन : 1947 मायथाइनि 15 आगष्टनिफ्राय 1950 मायथाइनि 26
जानुवारिसिम भारतवर्षनि खुंथाइ राहाया 1935 मायथाइनि भारत
सोरखार आयेन बादियै सोलिदोंमोन। बे आयेनखौ इंग्लेण्डनि संसदा
बानायदोंमोन।

सों 3. रायफोरनायाव 'जों भारतारि सरासनस्रा सुबुडा' होनना मानो
मखदों?

फिन : खुगाफोरनायाव 'जों भारतारि सरासनखा सुबुडा' होनना मख
'नाया बेखौनो फोरमायदोंदि संबिजिद रनसायगिरिफोरा भारतारि
सुबुं संबिजिदा भारतारि सुबुंनि आरो भारतारि सुबुंफोरानो संबिजिद
सिंनि गोख्रों गोहो।

सों 4. 'उदां' होनोब्ला मा मिथियो?

फिन : उदांथिया (Sovereignty) जादों हादरनि देरसिन गोहो।
थामहिनबा बायजोआरियै भारतवर्षवा गुबुन हादरारि गोहोनि सिं

नडा आरो सिङावबो भारत हादरा गुबुन जेबो जरखा गोहोजों
सामलायजानाय नडा।

सों 5. मा मायथाइनि बेसेबांथि सोदांनाय बादियै संबिजिरनि
रायफोरनायाव 'समाजबादी' आरो 'दोहोरोमउदां' सोदोब मोननैखौ
सोसननाय जादों?

फिन : 1976 मायथाइनि 42 थि संबिजिद सोदांनाय बादियै
रायफोरनायाव 'समाजबादी' आरो 'दोहोरोबउदां' सोदोब मोननैखौ
सोसननाय जादों।

सों 6. 'खाव जथाइ हायुं' माखौ बुडो?

फिन : जथाइ हायुं जानो थाखाय खायसे रोखा आखुथाइनि गोनां। बे
आखुथाइफोरा थासेयावबो भारतनि जथुम हायुंनि राहाया थार जुथुम
हायुंनि राहा नडा। बेयाव मिरुसेयारि सोरखारनि गोबां आखुथाइ
सरजाबफानानै दं। बेनिखायनो संबिजिद रनसायग्रा पण्डितफोरा
भारतनि राहाखौ 'खाव जथाइ हायुं' होनना बुंनाय जायो।

सों 7. बबे आयेना उदां नडि भारतबर्षयाव एसेल' संसदारि खान्थिखौ
बाहायजेनदोंमोन?

फिन : इंलेण्डति संसदा रनसायनाय 1935 मायथाइनि भारत
सोरखार आयेना उदां नडि भारतबर्षयाव एसेल' संसदारि खान्थिखौ
बाहायजेनदोंमोन।

गोलाव फिननायनि सोलु

सों 1. भारतबर्षनि संबिजिरनि रायफोरनायाव संबिजिदनि
दिन्थिनेसोन (आदर्शवा) माबादियै फोरमाय जादों सावरायना लिर।

फिन : भारतवर्षनि संबिजिदनि आदर्शनि सोमोन्दै सावरायनांगौब्ला
संबिजिदनि सिङागाव थानाय रायफोरनाय (Preamble) खौ मख
'ग्रोथारनांगोन। रायफोरनाया जाबाय संबिजिदनि जुरिजेननाय। बबेवा
गांसे बिजाबनि जुरिजेननाया बिजाबनि सोमोन्दै सुंद 'वै गासैबो खोथा
फोरमायनाय बादिनो भारतबर्षनि संबिजिदनि रायफोरमायनायाबो
संबिजिदनि गुबै आदर्श आरो थांखिनि सोमोन्दै फोरमायग्रोयो।
बेनिखायनो गोबाङानो खुगाफोरनायखौ भारतनि संबिजिदनि जिउ
(Soul), गोसोन्थि (Conscience), दरखं मोखां (threshold) आरो
साबि (Keys) होननानै बुंदों।

भारतबर्षनि संबिजिद रनसायगिरिफोरा संबिजिद रनसायनाय समाव
गोदोनि भारतारि सोदोमस्रि आरो हारिमुनि फारसेबो गोसो होदोंमोन
आरो बिदि आदर्शवा संबिजिरनि बिलायाव बेरखांजानायखौ
लुबैदोंमोन।' जों भारतारि सरासनस्रा सुबुंङा' होनना जागायजेननाय
रायफोरनायाव थानाय मोनफोफ्रोमबो सोदोबजों सरजाबफानानै दं
थि आदर्श। रायफोरनायाव 'जों भारतारि सरासनस्रा सुबुंङा' होनना
मख 'नानै रनसायगिरिफोरा रोखा फोरमायना होदोंदि संबिजिद
रनसायगिरिफोरा भारतारि सुबुं संबिजिरा भारतारि सुबुंनि आरो
भारतारि सुबुंफोरानो संबिजिदनि सिंनि गोखों गोहो।

रायफोरनायाव थानाय मख'जाथाव सोदोबफोरा जाबाय- 'उदां',
'समाजबादि', 'दोहोरोमउदां', 'फोरजाखान्थियारि' आरो 'सुबुंखुंथाइ'।
बे मोनफ्रोमबो सोदोबनि गेजेरावनो संबाजिरनि आदर्शवा बेरखांदों।

बेफोरनि अनगायैबो रायफोरनायाव मख 'नाय दंदि भारतनि
सरासनस्रा सुबुंफोरा हादराव नियाय, उदांस्रि, समानथि आरो बिदा-

फंबाइ सानलायनाय गायसननांगोन। नियाय, उदांसि, समानथि आरो बिदा-फंबाइ सानलायनाय गायसंनायखौ मख'नानै संबिजिर रनसायग्राफोरा संबिजिदनि आदर्श आरो थांखिखौ मोजाडै बेरखांहोदों।

सों 2. उदां, समाजखान्थियारि, दोहोरोमउदां, फोरजाखान्थि, सुबुंखुंथाइ बुंला मा बुजियो बेखेवना लिर।

फिन : उदां, समाजखान्थियारि, दोहोरोम उदां, फोरजाखान्थि, सुबुंखुंथाइ आरि मख 'जाथाव सोदोबफोरखौ संबिजिद रनसायग्राफोरा संबिजिद नि रायफोरनायाव सोसनदों। बे मख 'जाथाव सोदोब मोनफ्रोमनि गेजेराव संबिजिदनि आदर्शवा बेरखांदों। गाहायाव बेफोर सोदोबनि सोमोन्दै सावरायनाय जाबाय।

उदां (Sovereign): भारतबर्षवा गंसे उदां हादर। त्रयंकउदांस्रियानो जादों हादरनि देरसिन गोहो। अदेबानि बायजोआरियै भारतबर्षआ गुबुन हादरारि। गोहोनि सिं नडा आरो सिडावबो भारत हादरा गुबुन जेबो जरखा गोहोजों सामलायजानाय नडा।

समाजखान्थियारि (Socialist): भारतबर्षआ गंसे समाजबादि हादर। भारतबर्षआव मानसिफोरनि गेजेराव आय, मार्यादा आरो जिउ खुंनायनि मानदान्दानि बेलायाव फारागथि थानाय नडा। दिहुननायनि आगजुफोरखौ हारिमायारि खालामनाय जागोन। हारिमायारि आयखौ समान राननायनि गेजेरजों समाजबादि गायसननाय जागोन। हादरनि रांखान्थिखौ सरासनस्रा सुबुडा थि खालामगोन। रावबो दोहोनि सुबुंजों हादरनि रांखान्थिया सामलाय जानाय नडा।

दोहोरोम उदां (Secular): भारतबर्षआ गंसे दोहोरोम उदां हादर जागोन। बेयाव सरखारि दोहोरोम होननाय जेबो दोहोरोम थानाय नडा। सरखारनि नोजोराव गासैबो दोहोरोमानो समान आरो दोहोरोमखौ लानानै जेबो गोरोबलायि जानाय नडा।

फोरजाखान्थियारि (Democratic): भारतबर्षवा गंसे फोरजाखान्थियारि हादोर। हादोरनि खुंथाय खान्थिया सरासनस्रा सुबुंफोरनि थान्दैफोरजों सामलाय जागोन। सरासनस्रा सुबुडा हादोरनि खुंथायखौ गावनि थाखाय गावनो खुंगोन आरो खुंगिरिफोरा सरासनस्रा सुबुंफोरनि थाखाय हाबा मावथारनांगोन।

सुबुंखुंथाइ (Republic): भारतबर्षआ गंसे सुबुंखुंथाइ। हादर गाहाया सरासनस्रा सुबुंजों सायख'जानाय जागोन। हादरगाहाइनि मासिया हारिसंनाय जानाय नडा एबा सोरजोंबा सायख'जानाय जाया।

सों 3. नेहरुनि नोजोरनि सोमोन्दै थांखि माखासेखौ बेखेवना लिर।

फिन : नेहरुवा मख 'नाय नोजोरनि थांखिफोरनि (बिथांखि) गुबै आयदाफोरा एरैबादि—

(i) संबिजिद आफादा भारतबर्षखौ 'उदाडै उदां, सुबुंरायजो' (Independent, Sovereign, Republic) महरै फोसावनो गोख्रों गरन्थ लादों (उनाव उदाडै, सोदोबखौ गारनाय जायो)।

(ii) ब्रिटिस खुंनाय भारतबर्षनि हा बाहागो आरो भारतजों सरजाबफानो लुबैनाय हादरारि रायजोफोरखौ लानानै रायजोफोरनि जथाय (Union of states) दानाय जागोन।

(iii) भारतबर्षनि सरासनस्रा सुबुंफोरनि समाजारि, रांखान्थियारि आरो राजखान्थियारि नियाय, समानथि, धोरोमारि उदांस्रि रैखाथि, साननाय आरो गावनि मत फोरमायनायनि उदांस्रिखौ गनायथि होनाय जागोन।

(iv) अनुसुचित जाति, अनुसुचित जनजाति, जौगायि हारि आरो एसेल' अनजिमानि सरासनस्रा सुबुंफोरनि रैखाथिनि राहा थागोन।

(v) हादरनि उदांस्रि उदां (Sovereignty) आरो सोखावयिनि सायाव गोसो होनाय जागोन।

(vi) मुलुगनां मोजां सोमोन्दो, मुलुग गोजोन रैखा आरो सरासनस्रा सुबुंफोरनि मोजांनि थाखाय भारतबर्षआ आबुडै हेफाजाब होगोन।

(vii) सरासनस्रा सुबुङानो जागोन गसैबो गोहोनि फुंखा। उदां हादोरनि सोरखार आरो गसैबो अंगयानो सरासनस्रा सुबुंनिफ्राय गोहो मोनगोन।

(viii) जुथायाव (Union) लोगो जाफानाय हादोरारि रायजोफोरा आद्रा थाबावनाय गोहोजों गावखुंथायनि गेजेरजों अंग' रायजोनि मान मोनगोन।

सों 4. भारतबर्षनि जुथाइ हायुङारि राहानि आखुथाइफोरनि सोमोन्दै सावरायना लिर।

फिन : जथाइहायुं गंसे जानो थाखाय जा आखुथाइ नांगौ बै आखुथाइफोरखौ भारतबर्षनि संबिजिदावबो मोननाय जायो। भारतबर्षनि जुथाइहायुङारि राहानि आखुथाइफोरखौ गाहायाव सावरायनाय जाबाय—

(i) **जुथाइ हायुं दानाय राइजोफोरनि खौसेथि:** भारतबर्षनि अंग राइजोफोरा गावस्रानानै थांनायनि मोनथाइ गैया। खाथि खाथि थालायनाय मोनफ्रोमबो राइजोनि गेजेराव खौसेथि थालायनाय नुनो मोनो।

(ii) **मोननै थाखोनि सोरखार (मिरु आरो रायजो):** खुंथाइनि सुबिदानि थाखाय जुथुम हादोराव मोननै थाखोनि सोरखार थायो। गंसेया जाबाय मिरु सोरखार आरो गुबुन गंसेया जाबाय रायजो सोरखार। गुबुन जुथाइहायुंनि उलथायै भारतबर्षनि मिरु सोरखारा जोबोद गोहोगोरा।

(iii) **लिरनाय सोदांनोहानाय संबिजिद:** जुथुमहादोराव थानाय बादि जोंनि भारतनि अंग रायजोफोरा आलादा संबिजिर गैया। गासै भारतबर्षनि थाखाय गांसे लिरनाय सोदांनो हानाय संबिजिर दं।

(iv) **गोहो रानलायनाय:** भारतबर्षनि संबिजिरा मिरु सोरखार आरो रायजो सोरखानि गेजेराव गोहोखौ रानलायनानै होदों। जुदिय' गोहोखौ रानलायदों, मिरु सोरखारनि आखाइयाव गोनां गोहोफोरा थुबुर जाना दड'। अंग रायजोफोरनि रायजो बेंगिरिया (Governor) मिरुवारि सोरखारनि थान्दै महरैसो खुंथाइ सामलायो।

(v) **जौसिन बिजिरसालि:** भारतबर्षनि संबिजिरा गासै भारतबर्षनि थाखाय गंसे जौसिन बिजिरसालि गायसनदों। बे बिजिरसालिया भारतनि बिजिरनाय राहानि गोजौसिनाव दं। जौसिन बिजिरसालिया जाबाय भारतनि बिजिरनाय राहानि बिगोमा।

भारतबर्षनि संबिजिदाव गोजौवाव मख 'नाय जुथुमहादोरनि आखुथायफोरखौ मोनोब्लाबो जोंनि हादोरनि बेबस्थया थार जुथुमहादोरनि बेबस्था नडा। बेयाव मिरुसेयारि सोरखारनि गोबां

आखुथाइ सरजाबफानानै दं। संबिजिर रनसायग्राफोरा जोंनि बेबस्थाखौ खाव जुथुम हादोर, एखुथा जुथुम हादोर, मिरुवारि जुथुमहादोर मुं होदों। बेनि अनगायैबो आमेरिका जुथुमहादोराव थानाय नैथि नोगोरारि (Dual Citizenship) भारतबर्षयाव गैया। भारतबर्षयाव सासे नोगोरारिया भारतबर्षनिबोल' नोगोरारि जानो हायो।

सों 5. भारतबर्षनि संसदारि खान्थिनि सोरखारनि मख 'जाथाव आखुथाइफोरनि सायाव बिजिर।

फिन : संसदारि फोरजाखान्थिनि राहायाव सरासनस्रा सुबुंनि थान्दैजों दाजानाय मोनसे आफादनो खुंन्थाइनि देरसिन गोहोखौ होनाय जायो। भारतबर्षयाव बे आफादखौ 'संसद' बुंनाय जायो। भारतबर्षनि संसदा ल'कसभा आरो राज्य 'समाजों दाजानाय लोगोसे भारतनि हादोरगिरियाबो संसदनि एंगारहायि बाहागो।

जायखान्थिनि सोरखाराव मावफुंआफाद आरो आयेन आफादनि गेजेराव मोजां सोमोन्दो थायो, मन्थिसभाया आयेन आफादनि सेराव दायगोनां, बिदि खान्थिनि सोरखारानो संसदारि खान्थिनि सोरखार। संसदारि खान्थिनि सोरखारनि मख 'जाथाव आखुथाइफोरखौ गाहायाव होनाय जाबाय—

(i) बे खान्थिनि सोरखाराव हादोरगाहाइ आरो सोरखार गाहाइनि गेजेराव फाराग थायो। मावफुंआफादनि गोहोखौ गाहाइ मन्थिनि मन्थिआफादासो बाहायो। जोंनि हादोराव हादोरगिरिया जाबाय हादोर गाहाइ आरो गाहाइ मन्थिया जाबाय सोरखार गाहाइ।

(ii) संसदारि खान्थिनि सोरखाराव मन्थि आफादनि गासैबो सोद्रोमाफोरा आयेन आफादनि सोद्रोमा जानांगौ।

(iii) संसदारि खान्तिनि सोरखाराव मन्त्रिआफादनि हाबा मावनाय समा थि नडा आयेन आफादनि मददथिनि सायाव मन्त्रि आफादनि हाबा मावनाय समा सोनारो।

(iv) बे खान्तिनि सोरखाराव मावफुं आफाद आरो आयेन आफादनि गेजेराव मोजां सोमोन्दो थायो।

(v) बे खान्तिनि सोरखाराव हादोरगाहाया मुडाबोल' मावफुंग्रा बेराफारसेथिं गाहाइ मन्त्रिजों दाजानाय मन्त्रि आफादा थार मावफुंग्रा।

(vi) थार मावफुंग्रा एबा मन्त्रि आफादा आयेन आफादनि सेराव दायगोनां।

उफ्रा सोंनाय फिननाय

सुंद' फिननायनि सोंनाय:

सों 1. 1945 मायथाइनि जुलाइ दानाव इंलेण्डाव खुंजानाय सरासनस्रा बिसायखथियाव बबे हानजाया गोहोयाव फैदोंमोन?

फिन : लेबार पार्टि (Labour Party)

सों 2. गंसे उदां आरो फोरजाखान्थियारि हादरनि थाखाय माया जोबोर गोनां?

फिन : गांसे लिरनाय संबिजिद।

सों 3. ड° राजेन्द्र प्रसादनि संबिजिद आफादा संबिजिर रनसायनो
बेसेबां खेब जथुमदोंमोन?

फिन : खेब 11 जुथुमा ज 'दोंमोन।

सों 4. सोरनि दैदेननायाव भारतनि संबिजिद आफादा दाजादोंमोन?

फिन : केबिनेट मिसननि दैदेननायाव भारतनि संबिजिद आफादा
दाजादोंमोन।

सों 5. भारतनि संबिजिर रेबजेन कमिटिनि गासै सोद्रोमानि
अनजिमाया साबेसे?

फिन: सा-स्त्रि।

सों 6. संबिजिदनि जुरिजेननाया मा?

फिन : भारतनि संबिजिदनि जुरिजेननाया जाबाय रायफोरनाय।

सों 7. संबिजिर रेबजेन कमिटिनि आफादगिरिया सोरमोन?

फिन : ड° बि.आर. आम्बेदकार।

सों 8. 'दोहोरोम उदां' सोदोबखौ संबिजिरनि रायफोरनायाव माब्ला
सोसननाय जादोंमोन?

फिन : 1976 मायथाइ।

सों 9. संबिजिदनि बेसेबां नं अनुच्छेदाव (फारि) भारतबर्षखौ गंसे राइजोफोरनि जथाइ (Union of states) मख 'नाय जादों?

फिन : संबिजिदनि 1 नं अनुच्छेदाव।

सों 10. इंराजी 'Federation' सोदोबा लेटिन सोदोबनिफ्राय लाबोजानाय?

फिन : इंराजी 'Federation' सोदोबा लेटिन 'Foedus' सोदोबनिफ्राय लाबोजानाय।

सों 11. संबिजिर रनसायग्राफोरा भारतबर्षवाव जथुमहादोरारि राहा बाहायनायनि बिथिडाव बबे हादोरनि संबिजिरखौ उनसंदोंमोन?

फिन : कानाडा जथुमहादोर।

सों 12. 'नैथि नोगोरारि' (Dual Citizenship) थानाय गंसे हादोरनि मुं लिर।

फिन : मार्किन जथुमहादोर।

सों 13. 'आमेरिकायाव' संसद' (Parliament) बादिखौ मा मुडैमख 'नाय जायो?

फिन : कंग्रेस (Congress)।

सों 14. 'हेफाजाबारि जथुम हादोर' (Co-operative Federation) बुडोब्ला मा मिथियो?

फिन : हेफाजाबारि जथुम होहोरा जाबाय गुबैयै मिरु-रायजोनि हेफाजाबनायनि सायाव सोनारलायनाय मोनसे जथुम हादोरारि राहा।

सों 15. लेटिन सोदोब 'Foedus' ओंथिया मा?

फिन : लेटिन सोदोब 'Foedus' नि ओंथिया जाबाय गोरोबथा।

सों 16. थार जथुमहादरारि खान्थिया बबे हादराव सोलिगासिनो दड?

फिन : थार जथुमहादरारि खान्थिया आमेरिका जथुमहादराव सोलिगासिनो दं।

सों 17. भारतबर्षआव जथुमहादरारि आखुथाइ गैयिनि मोनसे बिदिन्थि लिर।

फिन : भारतबर्षआव जथुमहादरारि आखुथाइ गैयिनि मोनसे बिदिन्थिया जाबाय अंग राइजोफोराव थानाय राइजोबेंगिरि थिसननाय खान्थि।

सों 18. हादरसा गंसेयाव मिरु सरकार थान्दैबादियै सोर खामानि मावो?

फिन : हादरसा बेंगिरि एबा रायजो बेंगिरिया मिरु सरकारानि थान्दै बादि खामानि मावो।

सों 19. भारतबर्षआव एखुथा जुथाइ हायुडारि राहा खालामनायनि गुबै जाहोना मा?

फिन : भारतवर्ष आव एखुथा जुथाइ हायुडारि (Peculiar federation) राहा खालामनायनि गुबै जाहोना जाबाय हादरनि उदां आरो सोखावयिखौ सरखा खालामनाय।

सों 20. संसदारि फोरजाखान्थिया मा?

फिन : संसदारि फोरजाखान्थिया जाबाय रोखोमसे खुंथाइ राहा जेराव सरासनस्रा सुबुंनि थान्दैजों दाजानाय मोनसे आफादनो खुंथाइनि देरसिन गोहोखौ होनाय जायो।

सों 21. भारतनि संसदाव गंनै सदनजों लोगोसे एंगारनो हायि गुबुन मोनसे बाहागोआ मा?

फिन : भारतनि संसदनि गंनै सदन ल 'कसभा आरो राइजो सभाजों लोगोसे एंगारनो हायि गुबुन बाहागोआ जाबाय हादरगिरि।

सों 22. भारतनि संसदनि गाहाइ सदननि मुडा मा?

फिन : भारतनि संसदनि गाहाइ सदननि मुडा जाबाय ल 'कसभा।

सों 23. 1945 मायथाइनि इंग्लेण्डनि सरासनस्रा बिसायख'थियाव बबे हानजाया गोहोआव फैदोंमोन? बे हानजाया भारतनि थाखाय मा थिरांथा लादोंमोन?

फिन : 1945 मायथाइनि इंग्लेण्डनि सरासनस्रा बिसायख'थियाव 'मावथि हानजाया' गोहोआव फैदोंमोन। बे हानजाया भारतनो उदांसि होनायनि थिरांथा लादोंमोन।

सों 24. भारतबर्षनि थाखाय संबिजिद आफाद सोर दानाहोदोंमोन
आरो बे संबिजिर आफादनि गिबि जथुमाया माब्ला जादोंमोन?

फिन : भारतबर्षनि थाखाय 'संबिजिद आफाद' खौ इंलेण्डनिफ्राय
दैथाय हरजानाय केबिनेट मिसना दाना होदोंमोन। बे संबिजिद
आफादनि गिबि जथुमाया ड° सदभिदानन्द सिनहानि आफाद
दैदेननायाव 1946 मायथाइनि 9 दिसेम्बरखालि जादोंमोन।

सों 25. भारतबर्षनि संबिजिदनि 'रेबजेन कमिटि' खौ माब्ला दानाय
जादोंमोन आरो बे कमिटिनि मासिगिरिया सोर?

फिन : भारतनि संबिजिरनि 'रेबजेन कमिटि' खौ 1947 मायथाइनि
29 आगष्टखालि दानाय जादोंमोन। बे खसरा कमिटिनि मासिगिरिया
जाबाय- ड° बि.आर. आम्बेदकार।

सों 26. भारतनि संबिजिद आफादनि गागि आफादगिरिया सोर?
संबिजिर रनसायनो बे आफादा बेसेबां खेब जथुमा जादोंमोन?

फिन : ड° राजेन्द्र प्रसाद। संबिजिद रनसायनो थाखाय गासै 11 खेब
जथुमा जादोंमोन।

सों 27. 1935 मायथाइनि 'भारत सोरखार आयेन' सोर दादोंमोन? बे
आयेना भारतनि उदांसिनि उनाव माब्लासिम बाहाय जादोंमोन?

फिन : 1935 मायथाइनि 'भारत सोरखार आयेन' खौ इंलेण्डनि
संसदा दादोंमोन। बे आयेना भारतनि उदांसिनि उननिफ्राय 1950
मायथाइ 26 जानुवारिसिम बाहाय जादोंमोन।

सों 28. भारतबर्षनि रायफोरनायखौ सानसुमैफोरा मा मा मुडै मख 'दों'?

फिन : भारतबर्षनि रायफोरनायखौ सानसुमैफोरा भारतनि संबिजिदनि जिउ, गोसोन्थि, दरखं मोखां आरो साबि मुडै मख 'दों'।

सों 29. भारतनि संबिजिदनि 42 थि सोदांनायनि गेजेरजों रायफोरनायाव मा मोननै सोदोबखौ सोसननाय जादों?

फिन : भारतनि संबिजिदनि 42 थि सोदांनायनि गेजेरजों रायफोरनायाव 'समाजखान्थि' आरो 'दोहोरोम, उदां' बे मोननै सोदोबखौ सोसननाय जादों।

सों 30. रायफोरनायनि 'जों भारतारि सरासनस्रा सुबुडा' बुडोब्ला मा मिथियो?

फिन : रायफोरनायनि 'जों भारतारि सरासनस्रा सुबुडा' बाथ्राया बेखौनो रोखा फोरमायोदि संबिजिद रनसायग्राफोरा भारतारि सुबुं, संबिजिदा भारतारि सुबुंनि आरो भारतारि सुबुंफोरानो संबिजिदनि सिंनि गोख्रों गोहो।

सों 31. भारतारि संबिजिरनि मोनथाम आदर्श रायखां।

फिन : भारतारि संबिजिदनि मोनथाम आदर्शवा जाबाय—

(i) उदां (Sovereign)

(ii) समाजखान्थि (Socialist)

(iii) दोहोरोम उदां (Secular)

सों 32. संबिजिर माखौ बुडो? भारतनि संबिजिदखौ माब्ला नाजावनाय जायो आरो माब्ला बाहायनाय जायो?

फिन : उदासि (Independent) हादरनि जौसिन आयेन बिलाइखौनो संबिजिद बुंनाय जायो। बहुमनि गासै उदाडै हादरानो गांफा संबिजिर थायो। संबिजिद गांसेया हादर गंसेनि एरैबादि मोनसे राहा जेराव हादरनि थांखि, मावफारि आरो आदर्शफोरा सरजाबनानै थायो। हादर गंसेनि संबिजिदखौ हादर खुंथाइनि गुदि नेम-खान्थिफोरनि जथाइ बुंनो हायो।

भारतनि संबिजिदखौ 1949 मायथाइनि 26 जानुवारिखालि नाजावनाय जायो आरो 1950 मायथाइनि 26 जानुवारिखालिनिफ्राय बाहायनाय जायो।

सों 33. भारतवर्षआदि गंसे उदां (Sovereign) हादर बेनि मोननै आखुथाइ लिर।

फिन : भारतवर्षआदि गंसे उदां (Sovereign) हादर बेनि मोननै आखुथाइया जाबाय—

(i) भारतवर्षआ गंसे उदांसि (Independent) हादर।

(ii) बायजोआरियै भारतवर्षआ गुबुन हादरारि गोहोनि सिं नडा आरो सिडावबो भारत हादरा गुबुन जेबो जरखा गोहोजों सामलायजानाय नडा।

सों 34. भारतबर्षखौ मानो 'उदां फोरजाखान्थियारि सुबुंखुंथाइ' बुंनाय जायो?

फिन : 1947 मायथाइनि 15 आगष्टनिफ्राय भारतबर्षआ गंसे उदां (Sovereign) हादोराव गनाय जायो। थामहिनबा बेयो गुबुन हादोरारि गोहोनि सिं नडा। बेयो आबुं गंसे उदाडै हादोर। भारतनि खुंथाय राहाया फोरजाखान्थियारि थामहिनबा मोनसे थि समनि उन उन भारतारिफोरा थान्दै बिसायखनानै सोरखार दाना खुंथाय सामलायो। भारतबर्षआ गंसे सुबुंरायजो। मानोहोनब्ला बेनि हादोरगाहाइखौ सरसनस्रा सुबुडा सायख'यो। बे जाहोनावनो भारतखौ 'उदां, फोरजाखान्थियारि सुबुंखुंथाइ' बुंनाय जायो।

सों 35. भारतबर्षयाव समाजबाद (Socialist) गायसननायनि थांखि मोननै मा मा?

फिन : भारतबर्षयाव समाजबाद गायसननायनि थांखि मोननैया जाबाय—

(i) भारतबर्षनि मानसिफोरनि गेजेराव आय, मर्यदा आरो जिउ खुंनायनि बेलायाव फारागथि थानाय नडा।

(ii) दिहुनथायनि आगजुफोरखौ हारियारि खालामनानै, हारियारि आयखौ समान राननायनि गेजेरजों हादराव गलाय गथाय रांखान्थि गायसननाय।

सों 36. भारतबर्षयादि सुबुंखुंथाइ (Republic) बेनि मोननै आखुथाइ मख'।

फिन : भारतबर्षया सुबुंखुंथाइ बेनि मोननै आखुथाइया जाबाय—

(i) भारतनि हादरगाहाया सरासनस्रा सुबुंजों सायख 'जानाय।

(ii) भारतनि हादरगाहाइनि मासिया हारिसंनाय नडा।

सों 37. संबिजिद आफादनि गिबि जथुमायाव नेहरुवा दैखांनाय
जायखिजाया मोनथाम बिथांखि (resolution) आयदाफोर लिर।

फिन : संबिजिर आफादनि गिबि जथुमायाव नेहरुवा दैखांनाय
मोनथाम बिथांखिनि आयदाफोरा जाबाय—

(i) सुबुं परिषदा भारतबर्षखौ उदाङ, उदां, सुबुंखुंथाइ महरै
फोसावनो गोख्रों गरन्थ लादों।

(ii) ब्रिटिस खुंनाय भारतबर्षनि हा बाहागो आरो भारतजों
सरजाबफानो लुबैनाय हादोरारि रायजोफोरखौ लानानै रायजोफोरनि
जथाय दानाय जागोन।

(iii) अनुसुचित जाति, अनुसुचित जनजाति, जौगायि हारि आरो एसेल'
अनजिमानि सरासनस्रा सुबुंफोरनि रैखाथिनि राहा लामा थानांगोन।

सों 38. इंराजी 'Federation' सोदोबा बबे सोदोबनिफ्राय फैनाय
आरो बिनि ओंथिया मा?

फिन : इंराजी 'Federation' सोदोबा लेटिन सोदोब 'Foedus'
निफ्राय फैदों। बेनि ओंथिया जाबाय गोरोबथा।

सों 39. जुथाइ हायुं सरखार थानाय गंनै हादरनि मुं लिर।

फिन : जुथाइ हायुं सरखार थानाय गंनै हादरनि मुडा जाबाय—

(i) आमेरिका।

(ii) कानाडा।

सों 40. भारतबर्षनि सदन गंनैनि मुडा मा मा? बेनि बबे गंसेया गोहोगोरासिन?

फिन : भारतबर्षनि सदन गंनैनि मुडा जाबाय गोजौ सदन-रायज 'सभा आरो गाहाय सदन-ल'क सभा। बे गंनैनि, ल'कसभाया गोहोगोरासिन।

सों 41. संबिजिद रनसायग्राफोरा भारतनि जुथाइ हायुडारि राहाखौ मा मा मुंजों मख 'दों?

फिन : भारतनि संबिजिद रनसायगिरिफोरा जोंनि हादोरनि जुथाइ हायुडारि राहाखौ गाहायाव होनाय मुंफोरजों मख 'दों—

(i) खाव जुथाइ हायुं (Quasi federal)

(ii) एखुथा जुथाइ हायुं (Peculiar federation)

(iii) मिरुवारि जुथाइ हायुं (Centralised federation)

(iv) दाथायाव जुथाइ हायुं नाथाय आदर्शवाव मिरुसेयारि (Federal in form but unitary in spirit)

सों 42. भारतबर्षनि संबिजिद रनसायगिरिफोरा आमेरिकानि
संबिजिदखौ उनसङालासै कानाडानि संबिजिदखौ उनसंनायनि
जाहोना मा?

फिन : आमेरिकानि जुथुम हादरारि खान्थिया थार जुथाइ हायुं
खान्थिमोन। जेराव अंग रायजोफोरनो गोबां उदांसि होनायजों लोगोसे
जुदा संबिजिद ओरो नैथि नोगोरारि रहा खालामनाय जादों। जोंनि
संबिजिर रनसायगिरिफोरा मोनसे खोथाखौ मिथिनो
मोनदोंमोनदि-गोदानै जोनोम मोननाय भारतबर्षआव जुदि अंग
राइजोफोरनो गोबां उदांसि होनाय जायोब्ला आरो आमेरिकानिबादि
जुदा संबिजिद आरो नैथि नोगोरारिनि बेबस्था खालामनाया जायोब्ला
हारियारि खौसेथि आरो सोखाबयिखौ गोख्रों खालामनाया जाफुंनाय
नडा। बेनिखायनो संबिजिर रनसायगिरिफोरा आमेरिकानि
संबिजिरखौ उनसङालासे कानाडानि गुरुं संबिजिदखौ उनसंदोंमोन।

सों 43. जुथाइ हायुडारि राहानि मोनथाम आखुथाइ रायखां।

फिन : जुथाइ हायुडारि राहानि मोनथाम आखुथाइया जाबाय—

(1) गांसे लिरनाय आरो सोदांनोहानाय संबिजिद।

(ii) मोननै थाखोनि सरखार।

(iii) गोहो रानलायनाय।

सों 44. संसदारि फोरजाखान्थिनि मोननै आखुथाइ लिर।

फिन : संसदारि फोरजाखान्थिनि मोननै आखुथाइया जाबाय—

(i) सरासनस्रा सुबुंनि थान्दैजों दाजानाय मोनसे आफादनो खुंथायनि देरसिन गोहोखौ होनाय जायो।

(ii) हादोर गाहाया मुडावल' खुंथायगिरि थामहिनबा सोरखार गाहायसो थार खुंथायगिरि।

सों 45. इंलेण्डनि संसदारि फोरजाखान्थि आरो भारतनि संसदारि फोरजाखान्थिनि गेजेराव थानाय मोनथाम फाराग दिन्थि।

फिन : फाराग मोनथामा जाबाय—

(i) भारतबर्षनि संसदारि फोरजाखान्थियाव हादर गाहाया सरासनस्रा सुबुंजों सायख'जानाय बेराफारसेथिं इंलेण्डनि संसदारि फोरजाखान्थियाव हादरगाहाइनि मासिया हारिसंनाय।

(ii) भारतबर्षनि संसदन गोजौ सदन रायजो सभानि दाथाय आरो गोहोआ इंलेण्डनि गोजौ सदन हाउस अब लर्डसनिखुइ जोबोद आलादा।

(iii) इंलेण्डनि संसदारि फोरजाखान्थियाव संसदा जोबोर गोहो गोनां। नाथाय भारतबर्षनि संसदा एसेबां गोहो गोनां नडा।

सों 46. भारतारि संबिजिदनि रायफोरनाया ओंथिगोयि दा? जुदि नडा मोनब्रे जुक्ति हो।

फिन : भारतारि संबिजिरनि खुगाफोरनाय ओंथिगैयि नडा। बेनि फारसे थानाय मोनब्रे जुक्तिया जाबाय—

(i) खुगाफोरनाया संबिजिरनि रोखानडि हमदांनायफोरखौ बेखेवथिनायाव हेफाजाब होयो।

(ii) बेयो संबिजिदनि नोजोर आरो आदर्शखौ मोजाडै मोनथिहोनायाव हेफाजाब होयो।

(iii) रायफोरनायनि गेजेरजों सरखारनि मावथाइफोरखौ नायबिजिरनो हायो।

(iv) रायफोरनाया सुबुंमत (Public Opinion) जोनोम होनायाव हेफाजाब होयो।

सों 47. संबिजिदनि खुगाफोरनाय बुडोब्ला मा मिथियो?

फिन : खुगाफोरनाया जाबाय संबिजिदनि जुरिजेननाय। बेवहाय संबिजिदनि आदर्श आरो थांखिफोरनि बुंफोरनाय थायो। खुगाफोरनायखौ संबिजिदनि जिउ, गोसोन्थि, दरखं मोखां आरो साबि होननानै बुंनो हायो। बेयो संबिजिदनि रोडानडि हमदांनायफोरखौ रोखा खालामनायाव हेफाजाब होयो। थारै बुडोब्ला बुंनो हायोदि खुगाफोरनायाव जायगा मोननाय खोथाफोरखौ मिथियोब्लासो संबिजिदखौ मिथि हायो।

सों 48. 1935 मायथाइनि 'भारत सरखार आयेन' नि मोननै गाहाइ खान्थि लिर।

फिन : 1935 मायथाइनि 'भारत सरखार आयेन' नि मोननै गाहाइ खान्थिया जाबाय—

(i) गबर्णरजों खुजानाय हादरसा, सिफ कमिसनारजों खुंजानाय हादरसा आरो हादरनि रायजोफोरखौ लानानै गंसे भारतारि जुथाइहायुं दानाय जागोन।

(ii) मोनफ्रोम गबर्णरजों खुंजानाय हादरसायाव हादरसायारि जायगानि खुंथाइ बाहायना सायखजानाय बिधानसभानि सोद्रोमाजों हादरसायारि सोरखार दानाय जागोन।

Bodo Medium